

AIA PUBLIC Takaful lancar A-Life Legasi

Bantu pelanggan lindungi, kumpul dan wariskan kekayaan; bayar 600 peratus perlindungan dalam bentuk hibah

Kuala Lumpur: AIA PUBLIC Takaful Bhd (AIA PUBLIC Takaful) melancarkan pelan Takaful Keluarga, A-Life Legasi, baru-baru ini, bagi membantu pelanggan memastikan masa depan orang tersayang dilindungi dengan pengurusan legasi yang baik.

Selain melindungi dan meningkatkan kekayaan pelanggan, pelan ini memberi peluang untuk menyumbang kepada komuniti dengan berkongsi legasi dibina bersama badan amal menerusi rider A-Plus Infaq, yang pertama seumpamanya di pasaran.

Ketua Pegawai Eksekutif, AIA PUBLIC Takaful, Elmie Aman Najas, berkata pelan patuh syariah ini memberi perlindungan terhadap kematian akibat kemalangan atau kematian ketika mengerjakan Haji atau Umrah, termasuk Hilang Upaya Menyeluruh dan Kekal (HUMK).

Katanya, ia juga satu daripada kaedah pengurusan harta buat pelanggan yang menawarkan nilai

perlindungan tinggi dengan jumlah perlindungan minimum sebanyak RM350,000.

Menerusi pelan ini, AIA PUBLIC Takaful akan membayar sehingga 600 peratus daripada jumlah perlindungan dalam bentuk hibah (hadiah) dan pelanggan juga boleh mendapatkan perlindungan sehingga RM4 juta tanpa perlu menjalani sebarang pemeriksaan kesihatan.

"A-Life Legasi diperkenalkan berdasarkan pemahaman pasaran kami, khususnya dalam kalangan keluarga Islam. Walaupun perlindungan kekayaan penting untuk memastikan kehidupan selesa, mereka juga percaya ia bukan sekadar meninggalkan simpanan mencukupi buat keluarga apabila mereka meninggal dunia tetapi turut membabitkan amal jariah dan kebajikan yang boleh diamalkan secara berterusan walaupun selepas kematian.

"Oleh itu, pada tahun ini, kami memperluaskan faedah takaful,



(Dari kiri ke kanan) Ir Amran Mahzan, Pengarah Eksekutif Mercy Malaysia, Cheah Kuan Yoon, Ketua Pegawai Eksekutif PB Trustee Services Berhad, Elmie dan Michael Warren, Pengurus Besar NCSM pada majlis pelancaran A-Life Legasi di Kuala Lumpur baru-baru ini.

bukan hanya untuk memenuhi keperluan pengurusan dan perlindungan kewangan pelanggan, malah membolehkan mereka meneruskan amal jariah dan membantu golongan memeritukan. Inilah yang dimaksudkan dengan membina dan meninggalkan legasi anda," katanya.

Pelan ini juga didatangkan dengan Akaun Legasi yang membantu pelanggan meningkatkan simpanan apabila mereka mengamalkan tabiat kewangan yang baik.

Jika pelanggan membuat caruman dalam tempoh yang ditetapkan, sejumlah amaun akan dikreditkan ke dalam Akaun Legasi mereka setiap dua tahun, pada tahun ke-20 dan pada tempoh matang sijil.

Sekiranya pelanggan berkahwin, menimang cahaya mata, bersara atau mencapai peringkat kehidupan lain, sehingga 50 peratus daripada jumlah Akaun Legasi yang terkumpul akan dibayar ke-

pada mereka.

Pelanggan juga boleh mempertingkatkan perlindungan dengan menambah pelbagai pilihan rider lain kepada pelan A-Life Legasi mereka, termasuk perlindungan terhadap penyakit kritikal.

"Pelan ini secara uniknya membolehkan pelanggan berkongsi kekayaan dengan memberi faedah takaful kepada golongan yang memeritukan sebagai sebahagian amal jariah yang dapat dilaksanakan secara berterusan menerusi rider A-Plus Infaq," katanya.

Ini bermakna, jika pelanggan meninggal dunia atau mengalami HUMK, amaun perlindungan rider akan disalurkan kepada badan amal pilihan pelanggan atau boleh diinfakkan terus kepada rakan amal rider berkenaan iaitu Mercy Malaysia atau Persatuan Kanser Kebangsaan Malaysia (NCSM).

Sumbangan infaq akan disalurkan kepada badan amal yang dipilih menerusi penyedia perkhidmatan AIA PUBLIC Takaful, PB

Trustee Services Berhad.

"Apa yang membezakan A-Life Legasi daripada pelan lain di pasaran adalah unsur amal (A-Plus Infaq) yang direka sebagai sebahagian daripada ciri produk yang memberikan kemudahan kepada pelanggan untuk mengagihkan legasi mereka tanpa perlu mendapatkan bantuan pihak luar," katanya.

Bagi meraikan kerjasama dengan rakan amalnya, AIA PUBLIC Takaful menyumbangkan RM10,000 kepada Mercy Malaysia dan NCSM.

Pelan A-Life Legasi tersedia untuk individu berumur antara 14 hari dan 70 tahun yang turut menawarkan pelbagai terma perlindungan dan caruman bersesuaian dengan keperluan pelanggan.

Untuk maklumat lanjut mengenai A-Life Legasi dan A-Plus Infaq serta penyelesaian dan perkhidmatan lain yang ditawarkan oleh AIA PUBLIC Takaful, sila layari www.aia.com.my